

溪

高湖 在縣西北通五中瀆

長蕩湖 在金壇縣界南又名洮河即五湖之一舊有八十洩口今所存二十有七西北與溧陽金壇分界其東通蓬勝湖北入溧河在宜興縣界西北東接太湖西通蕪湖其廣一百里

南謝塘 在金壇縣之東南與北謝塘莞塘相並

謝塘 在縣之北

南洲瀆 在金壇縣南與古速瀆並

甓橋瀆 在縣之西

破岡瀆 在句容中道至雲陽城西凡十四埭上七埭入延陵下七埭入江寧界吳赤烏八年開船通吳會不由京江晉宋齊因之梁廢瀆而開上容瀆在句容東南五里至陳上容瀆堙復脩破岡瀆隋平陳乃廢之

已上諸水屬鎮江爲太湖之源

按金陵爲宗廟社稷之所糧運之來歷雲陽而涉江駭浪驚濤艱苦萬狀假令是瀆猶存則短棹輕

行費省長江之涉者百倍而况通流濟旱民困之
益又無筭太平之業其亦一要務用詳記以俟作
者

固城湖 在溧陽縣南九十里有水四派中流與太
平府接畧東經宜興流入太湖

永陽江 即中江在溧陽之西北流入宜興界入於
太湖其流兼宜歙金陵之水舊有五堰絕其流使
由分水銀林二堰直趨太平之蕪湖後商人由宜
歙收買木簾東入兩浙以五堰爲艱阻給官中廢
之堰既廢今其水皆入宜興縣之荆溪連於太湖
以上二水屬溧水縣正太湖之源也故析而紀
之

沙子湖 西通蕪湖東入於太湖一支入於大吳瀆
歷口瀆白魚灣高梅瀆自梅溪而北入於常之運
湖由十四瀆而入於江

長塘湖 在宜興縣西東接西莊河北入孟涇

陽湖 在常郡東其東南入於閭江東北自花瀆港
入於運河

宋建河 在常郡東南西北由上陳港入於運河

餘皮河 一名餘皮澔在宜興縣南通橫塘河北入

草塘瀆

荆溪 在宜興縣南受宜歙蕪湖之水注太湖達淞

江以入於海其所通者曰泐溪在縣東北曰寒溪

在縣西北

慈湖溪 亦名西陽溪在縣西南曰章溪在縣西曰

東九溪在宜興縣東由百瀆入於太湖西合荆溪

蠡河 在荆溪南其南為梅林河北折而通於運河

西九溪 在宜興縣西其中貫於九里二河并泔澗

澔東合荆溪西接白雲涇入溧陽縣界溪

三溪 源自白鶴溪南來其水口一入甬河一入丹

陽河

三過溪 在常郡南三十里北通運河南入甬河

梁溪 在無錫縣西源出惠山繞歷山西南入於太

湖北流與運河合

長廣溪 在無錫縣南其南流出吳塘門一出獨山

門皆入太湖

臺灣國家圖書館, NATIONAL CENTRAL LIBRARY, TAIWAN, R.O.C.

赤城溪 在無錫縣南

新安涇 在無錫縣東南與赤城溪皆南入於太湖
或東入運河

烏角溪 在無錫縣東南出望亭西入太湖與蘇州
分界

雙溪 在無錫縣北五里通漕

新溪 在宜興縣南興化門外

東瀉溪 在宜興縣東一名菴画溪亦名五雲溪

忻溪 在宜興縣東南

朋溪 在宜興縣東北即下張港之支流也

蓮花溪 在宜興縣西其東接白雲涇

爛溪 在宜興縣西其東接於塞溪

塞溪 在宜興縣西貫於洋渰之中號南北洋渰其
北曰青陽蕩入於太湖

湯溪 即沙塘港在宜興縣東自赤城而下並入

太湖

運河 起於郡外城河西奔牛閘入轉水河東流出
望亭入於太湖

惠明河 西北引荆溪水自南水門經郡治前稍東

出化洞橋與後河合入於運河

顧塘河 經大市溢引惠明河水注之漕渠

平原河談村河糴澤河 並入郡西南入鬲河

孟津河 在郡西南北入鬲河南接宜興界

西蠡河 在郡南其北接運河南經陳渡橋入于鬲

河

隆順河 接西蠡河其東通採花港

東蠡河 在宜興縣治東其南入橫塘河北通九溪

清河 在常郡治東自永安河西至運河西北入於

鬲河

灣瀆河 在常郡城西北自運河東南流通宜興運

河以入於太湖

永興湖 在郡城南其東接順隆河西通青河

蠡瀆河 在郡城西北自白鶴溪東南流經蠡瀆港

入于鬲河

太平河 在常郡東南北接七里港南與黃堰河合

華渡河 接七里港西南入於鬲河

蠡瀆港 在常郡南西承鬲河北通白鶴溪

糴花港 其北接運河西南入徐湖滄在郡城南

西為西蠡河東南通採菱港

泚泚滄 在宜興縣治西荆溪貫其中西通白雲涇

黃土滄 一名白魚蕩在宜興縣北南接運河西北

入滂河

百瀆 在宜興縣東南舊以荆溪當數郡之奔注勢

不能容乃于溪口疏百派以通其流於太湖隨地

異名在縣西南七十五里曰上瀆北六十里曰下

瀆又於瀆之南北開一塘以直貫瀆口通鄉落之

水道其下曰橫塘

舊志載瀆名僅七十有二宋縣尹樓閣嘗浚四十二瀆餘悉埋

塞今不可知矣

周瀆 在宜興縣南與荆溪接

東湛瀆 在宜興縣北其南通運河東入橫塘又有

西湛瀆與此瀆接俱入運河

湫瀆 在宜興縣西北又黃瀆及樓公瀆在縣北

草塘瀆 縣之東北

閭江 在無錫縣西太湖之濱吳王常築城於此故

名

以上皆常州之水爲太湖之源

西湖 在杭州府城西密迳週三十里源出湖上諸山下流由下塘落入嘉興界杭州瀕海水鹹苦刺史李泌以大竹陰引湖水入城人得其餘蘇軾復作笕牌斟酌湖水爲一方之利正德間知府楊孟瑛以舊湖爲豪右所占半爲園田乃奮袂曰利歸數十家害貽千萬戶吾不忍也遂畢力以復其舊新塘河 在海寧縣東北自德清縣大麻港經縣之莊港東至城濠東北入嘉興界

洛塘河 在海寧縣西北東入硤石南河北入於嘉興之長水塘其支流曰硤石鎮市河

清水浦 在海寧縣東宋紹聖間轉運使毛漸嘗開長安壩至塩官徹清水浦入海

此浦通受杭州東下水不入運河而入海

二十五里塘河 由海寧縣市河北出拱辰門西南二十五里會于運河其北連長安壩

硤石河 在海寧縣東下流入運塘河

麻涇港 在海寧縣東北乃新塘河之支流也

臨平湖 在杭郡城東北六十里舊名鼎河下流入

嘉興湖州界

西谿 在武林山西下流入湖州界

以上杭州水逕下運河亦互入太湖

苕溪 在餘杭縣治前發源于天目山一自天目之

陰經安吉州邵渡北至兵渡一自獨松嶺西會諸

山之水亦至兵渡二水流入湖州界而滙於太湖

仇溪 在餘杭縣東北二十里其源有二一出臨平

之高睦山一出本縣之獨松嶺東至仇山下二水

合流於盧公橋東入苕溪

貴涇浦 在雪溪西南以陳霸先生此故名

雪溪 在湖郡西南合前溪餘不溪從峴山漾入安

定門其西經苕溪四水俱聚於江子滙東流入於

太湖

潯溪 在湖郡東自運河東接太湖罌湖諸水

仙溪 在孝豐縣西南自佛子山抵下落溪苕溪與

合

碧浪湖 一名峴山漾在湖郡南北入運河通苕雪

二溪

菱湖 在郡東南通餘不等溪出皂林入於
凡常湖 在湖州府城西即苕溪之下流也

運河 在湖郡東一自峴山下分流至定安門外繞
城而東一自城內出迎春門合而爲一經濬溪入
於太湖

五山溪 在孝豐縣東北與陳安溪合

餘甍溪 在長興縣南二十里梁武帝因童謠有旺
氣在三餘之句乃名餘杭餘干餘姚以當之溪因

施渚溪 一名小溪在湖城北四十里源出上強山

花溪 在縣之東南出洪城塘

寶溪練溪思溪 在郡之東南其東北接龍溪並入
於太湖

掩浦 在湖城東北三十里項羽見始皇輿從於此
曰可取而代也項梁掩其口故名

玉湖 在湖城南三里承天目山北來之水東北流
入於太湖

菴画溪 在長興縣西

臺灣國家圖書館, NATIONAL CENTRAL LIBRARY, TAIWAN, R.O.C.

合溪 在長興縣西北

西安溪 一名周瀆在長興縣南

邱閣溪 在長興縣邱閣山下其流皆入於太湖
包祥湖 在長興縣北其東入於太湖

梅溪 在吉安州東北其西南曰僊溪並入於太湖
前溪 在武康縣治前其上流曰阮公溪餘英溪在
武康縣後曰後溪出烏龍山經龍尾橋而東曰新
溪其北與前溪合曰封溪在縣東出前溪東南即
鳳渚湖也又東爲沙溪東北爲長安溪南爲湘溪
北爲埠溪西北爲雙溪並東流入於太湖

五湖 在安吉州其東曰四龍湖東南爲五龍湖南
爲獲湖又南爲姚湖北爲四畝湖又北爲楊子湖
即楊子匯也出丹陽河與邱閣水分流合茗溪而
入於太湖

鳳渚湖 在武康縣東南十七里厥土粘填浙右陶
器皆出于此

橫瀆湛星瀆 在武康縣東南與鳳渚河通
青塘 在郡城北其東北接龍溪入于太湖

謝塘 在郡城西

蒲帆塘 在郡城北

雙林塘洪城塘保稼塘含山塘 在郡城東南與青

塘同流

沂河 在長興縣東南以可悅人之憂思也故名

蠡塘 在長興縣東

臯塘 在縣西

孫塘荆塘官塘 在縣治南

青姥塘 在縣西南

方塘毛賢塘胥塘沙干塘周村塘 在縣南

盤塘陶坑塘 在縣西

餘吾塘 在縣東南即宜興之東鄉也並東入於太

湖

盛家港橫涇港 俱在湖城北南接茗溪北入太湖

小山塘 在安吉州東南其南爲廟山塘西爲富山

塘其北爲朱塘

魏塘吳塘直塘 在武康縣東

黃浦 在湖郡西南出黃蘗山其東北爲掩浦

餘吾浦 在長興縣東南東入於太湖

部浦 在長興東

顧渚 在長興縣西北出顧渚山至水口東入太湖
仙人渚 錢渚 費渚 在武康縣西

西餘港 在郡東其西接運河入楊子漕

西賢港 潘店港 俱在郡西自清源門出儀鳳橋

妙喜港 福山港 黃墅港 在郡之西南

盛家港 橫涇港 在郡城南東接茗溪北入太湖

井山塘港 在長興縣南其東曰吳山塘港西爲隔

塘港 東北爲西莊漾通包祥河

官瀆 在郡城西南

漕瀆 旱瀆 又防瀆 橋瀆 在郡城東南

梅涇 在郡城西南一名東海堰

西湖漾 褚墓漾 娜兒漾 西餘山漾 上湖漾 俱在郡

東

謝村漾 錢山漾 新興漾 後莊漾 重兆漾 土山漾 青水

漾 在郡城東北

大包漾 小包漾 在郡城東北

衡山漾洛舍漾馬林漾東泊漾龍開漾 在郡城南
西風漾 在郡城西

湖跌漾夾山漾 在郡城西南

吳山漾 在郡西北

三里塘三丈瀆 皆德清縣其東爲大麻瀆南爲孔
愉澤

荷葉浦 在德清縣東北

苧溪漾 在德清縣東

鄱陽汀 在武康縣北

董嶺水 在孝豐縣西南其東北至下昇館入于苕
溪

涌川菰浦 俱孝豐西南

以上皆湖州水爲太湖之源

運河 起嘉興界西南通崇德縣西北接吳江界入

淞江

月河 在郡城北灣環繞城下通於運河

車溪 在郡城西北接烏程水

穆溪 在郡城東北與上谷湖皆從運河北流

雙溪 在郡城西南

梅溪 在郡城南上

錢溪芝溪瀾溪爽溪 在郡城西北

麻溪 在郡城西同入于運河至吳江由淞江入海

鴛鴦湖 在郡南一名雙河一名南河其東北九里

爲湘河

天星河 在郡之東北隅東接夏滙港南入北官塘

北入太湖東從運河入江

長水塘 在郡南其西南爲洛塘北入鴛鴦河

以上嘉興水逕入運河爲三江之源

虞翻云太湖東通淞江南通霅溪西通荆溪北通

滬河東連韭溪凡五道故曰五湖常昭以胥蠡洮

滬四湖與太湖爲五 蘇志云莫釐山之東與徐

侯山相值者爲菱湖莫釐西與菱湖連者爲莫湖

南連莫湖東逼胥山者爲胥湖長山東曰遊湖長

山西北連無錫老岸曰貢湖又有金鼎梅梁二湖

及東畢里湖通謂之太湖而震澤具區皆舊名也

西北有百瀆納建康常鎮數郡之水從荆谿下東

南有諸澗納宜歛臨安茗雪諸水從天目山而下
蘇郡入湖有二口曰鮎魚口曰胥口 吳江入湖
有三路西北曰柳胥西南曰簡村其一則西郊愚
按太湖在吳縣西南五十里即禹貢之震澤周禮
之具區也週迴以里計者五百有奇以頃計者三
萬六千有奇湖中多山在西北十四而鳥跡最大
在東四十有一而包山最大在東南十有七而莫
釐最大地跨蘇湖常三境其水之發源自宜歛以
東富陽以北之水俱從荆溪之百瀆長興之二十

四瀆湖州之三十六瀆吳江之七十二澗吐納焉
而導河水以入海者則吳江之長橋葉港曹家港
王家溪港震澤湖雪落港珊闕口直瀆韭溪白龍
橋七里港吳縣之鮎魚口麴杖港新涇港莫舍澗
胥浦香山港塘橋港烏角溪無錫之直湖港新安
港赤城溪長廣溪梁溪閭江口武進之戚墅宜興
之橫塘陽溪大浦東蠡河塘港皆由湖入海之口
而入吳淞江東流二百六十里尤爲緊要所當不
時開濬以通水道者也故將沿湖瀆澗曲折分段

詳列于前以便觀覽

山門

受水湖泖蕩滄考

已下湖蕩皆天造地設人力難施但皆承受太湖之水以轉洩各縣浦港故并書之以備考

澱山湖 在崑山東南六十里華亭西北七十二里跨處崑山長洲青浦三縣其源自吳淞江分流由急水港鍾爲湖曰薛澱蓋自長洲白蜆港分流入此週迴幾二百里實古來潴水之地北由趙屯浦東由大盈浦以洩松江南由爛路港以入三泖按誌載澱山湖北中爲一澳曰山門溜東西五六

里南北七八里正當湖流之衝爲古來吞吐湖水之地山門溜之中又有斜路港與崑山磧與鄰及大石浦小石浦通洩湖流後潮沙淤塞漸圍成田元初湖去西北已五里今趙屯大盈去湖益遠及由何家港及南北曹港受湖水以洩於江水患多矣潘應武欲開道褐浦石浦千墩浦小石浦四處決放湖水似亦有見宋淳熙十三年羅點開浚一次紹熙初復聽民給佃今多成平陸渚水之地益隘而水患不能免矣

又詳松江府內

龐山湖 在吳江縣東南一里澹臺湖東周圍三十餘里接太湖水從吳江縣長橋東北合龐山湖以出吳淞江又自鮎魚口至分水墩南流入吳江縣界其泉橋滙於龐山湖其下流爲黎湖菱湖爲葉澤河爲新湖

陳湖 在長洲縣有巡檢司通太湖由葑門瓦屑涇東行歷王墓湖大姚陳湖澱山湖謝澤圓泖入華亭界

尹山湖 在長洲縣過篾渡橋東南行二十里入湖

東北出瀆墅湖若由尹山湖歷同里湖鄧村周庄
楊扇章練塘尤墩入華亭界

沙湖 在長洲縣婁門東二十里陸市浦小夷亭營
南一名金沙湖北對過爲陽城湖至雲和塘岸隔
截其中青丘戴墟二浦在焉南通吳淞江頗多盜
賊出沒弘治九年工部主事姚文灝築堤廣三丈
袤三百六十丈盜賊始戢

石湖 在吳縣西南一十二里自白洋灣折而北滙
於楞伽山之下曰石湖界吳縣吳江之間相傳范
蠡從入五湖處石湖之東一溪北流橫塘曰越來
溪自此與木瀆水合流出橫塘橋東入胥門運河
曰胥塘北流閘門運河曰綵雲港自橫塘北流直
入運河曰洞涇自綵雲港北折出洞涇之西曰白
蓮涇又西出江村橋曰楓橋灣自胥塘北流經南
濠至閘門釣橋與北濠山塘水會曰沙盆潭南濠
中折而西遠出普安橋曰新開河

獨樹河 在長洲縣黃天蕩之東南又名瀆墅湖西
北六里爲黃天蕩東南三里爲鑊底潭又東八里

爲陳湖

陽城湖 在崑山縣之西北長洲縣之東北二十里
或由婁門官瀆橋出此或由真義綽墩出此可至
常熟或由高塘村傀儡蕩一水至常熟南門瀆浸
廣濶灌溉之利甚博宋天禧間江淮發運副使張
綸同郡守經度於崑山常熟疏五湖導太湖入海
卽陽城等湖也其西納雲和塘尚澤蕩南納吳涇
真義浦黃浦朱昌涇又南通大虞浦梁里浦北納
張西涇上元涇陽城湖之東爲包湖爲傀儡蕩二
水與陽城合而爲一又東爲巴城湖

黃天蕩 在長洲縣茂渡橋之東尹山湖之西亦受
太湖水東爲獨墅湖爲王墓湖爲朝天湖三湖連
綴實一水也以此水深濶似江中黃天蕩故名又
東爲尹山湖頰墩湖一名交龍潭鑊底潭

同里湖 在長洲縣東南十六里二十六都同里市
東四面皆湖民居稠密亦名九里湖急水港杓頭
潭清水蕩在焉由本湖或夾浦塘東北行至楊扇
入澱湖其北路也由本湖入黎里東南行繞出嘉

與東門嘉善路亦同北由舟直新洋江可至崑山
澹臺湖 在吳縣西南一十八里太湖之東自此東
過寶帶橋入運河又分流入黃天蕩入陳湖入金
鷄渚

汾湖 在吳江縣東五十里乃浙直吳江嘉興分界
故名東流謝宅蕩蓴菜蕩南陽港又東通章練塘
三泖入華亭界西接勝墩北流入三白蕩又北通
漕龍港鶯脰湖

金鷄東西渚 在葑門東六里屬長洲東通吳淞江
過渚歷唐浦舟直磧澳至華亭界

鶯脰湖 在吳江縣太湖之南以形似鶯脰故名其
源自天目東流至菘塘會爛溪水併出平望安德
橋匯於此

三白蕩 在吳江東南由汾湖北流入三白

三泖 在松江府西境泖之界西北抵山涇南自泖
橋出近山涇者形圓曰圓泖近泖橋者益濶曰大
泖自泖橋而上縈遠百里曰長泖谷水在其北金
澤章練大小蒸白牛塘在其西葑渚走馬諸塘在

其東泖橋之外絕而東者秀州塘也

葉澤湖 在吳江縣湖之東爲九里湖亦名同湖急水港杓頭潭清水蕩在焉又東爲姚城江爲白鯢江小龍港

契跨湖 在吳江杓頭潭之西與汾湖接

毛塔湖 在吳江縣東

漕湖 在長洲縣本范蠡伐吳時開蠡瀆通此湖故名蠡湖唐元和中孟簡開泰伯瀆并導蠡河故以瀆爲孟瀆湖爲孟湖其實蠡湖也其東有蠡口西貫無錫之泰伯鄉亦有蠡尖口或以此湖通漕運故改今名漕湖之東爲永昌涇爲黃埭塘爲東錢涇西錢涇其地爲冶長涇爲鴛鴦滄蕩諸水互流並入雲和塘

尚湖 在常熟縣西南四里雲和塘之西一名上湖長十五里廣九里虞山在其上尚湖之南有柴涇有朱涇有徐墅涇西有湖橋塘張墓塘東南有白蕩自白蕩而出爲羅墩蕩爲六里塘自張墓塘而出爲大和塘自柴涇而出爲南塘又自大和塘而

出爲官祿塘爲黃庄塘諸水互流其西吐納江陰
無錫諸水其東仍流入雲和塘

崑承湖 在常熟東南五里雲和塘之東亦名崑湖
或云崑湖在崑山北承湖在崑山西北二湖合而
爲一亦名八字湖縱廣各八十里其東有五丫涇
西有陳涇堰涇魏涇東橫涇黃墓陵涇徐涇塘莫
門塘衛涇塘南有張涇有六十二涇有周涇黃涇
龍涇桑婆浜曹家浜時涇塘北有艾涇

蓮湖 在青浦四十二保二區八畝東通澱山西通

金澤

澱山白蕩 在青浦四十一保三區東通松江西通
嘉善南通平湖北通吳江

徐方白蕩 在青浦五十保與四十三保交界之所
錡湖 在青浦縣西南三十五里周二十里一名洋
湖舊經湖有陸錡宅因名今皆爲蘆葦之場

瑁湖 邢湖 新湖 谷湖 瓢湖 馬騰湖 諸
湖皆在澱湖左右今茫然一壑不可考識

東吳水滸卷之二

三八

大江洩水港浦圖

宗明縣界

狼池 穿山

大海

呂四場

大河口

冊夾口

七星港

監河口

大杜港

黃杜港

新桂港

鹿鳴涇


唐岳涇

大錢涇

黃濱

白柳港


白柳巡司



東吳水滸卷之二

三八





餘西場

海門縣

餘中場

餘東場

江便場

盧便場

張港巡司

大橫港

天港

楊樹港

小梅港

曹港

黃涇港

旧河港

唐灶港

周灶港

臺灣國家圖書館, NATIONAL CENTRAL LIBRARY, TAIPEI, R.O.C.

高明沙

常熟縣界

千步涇

野兒漕

木六涇

許浦寨

許浦

黃四浦

許浦巡司

許浦鎮

高浦港



金涇

唐浦



石壩浦



石馬浦

白湖管









臺灣國家圖書館 NATIONAL CENTRAL LIBRARY, TAIWAN, R.O.C.



桃花港

李家港

洪海口

新港

桃林港

潭港

潭港

村港


刺銀洗


小河

王長港

楊思港

臺灣國家圖書館, NATIONAL CENTRAL LIBRARY, TAIWAN, R.O.C.













大江考畧

夫長江自岷峨發源開廣不過尋丈至嘉定州而大渡河諸水會至叙州重慶而馬河嘉陵黔江諸水會而入峽自峽而東則岳陽洞庭鄂渚巴漢諸水會又東至九江則江西鄱陽諸水會至南畿而浣水淮西諸水會而赴海已上水口今皆不入圖繪而止繪高資炭渚以及海口者良以蘇州之白茆許浦福山諸港常州之范港蔡港黃田夏港申港桃花孟瀆諸港鎮江之清水安港七里高資等

港皆三郡之水所由以達于江而趨于海者須時
加濬治則水道通利而旱澇有資不則渚泄兩妨
大爲農田之害故并系之圖以備採覽

三
江
考

三江考

按三江之名出於禹貢謂淞江東江婁江也今淞
江僅存東江婁江則黃浦劉家湖代之一統志湖
廣岳州亦有三江以岷江爲西江澧江爲中江湘
江爲南江又黃州麻城縣有江三路而下亦名三
江口與此不同又孔安國曰岷江左合漢爲北江
右合彭蠡爲南江岷江居其中爲中江俱在蜀又
韋昭說岷江松江浙江爲三江俱在吳南越志廣
信江始安江鬱林江亦名三江俱在越

淞江之派

淞江 起吳江縣長橋承太湖之流逕入海長二百八十里其廣一百五十丈在蘇郡南三十里合龐山湖東下復合趙屯大盈蟠龍崧子等浦至宋家橋與黃浦合而入海其入海處名滬瀆江

麋瀆 在金涇北自寶帶橋分流

澹臺湖 在蘇城南十八里澹臺子羽宅所陷其分流曰黃天蕩東為獨墅湖離郡城南三十里曰王墓湖屬長洲縣朝天湖三湖連綴中微隘如川其

實一水也東為尹山湖又東為鑊底潭

比諸湖獨深故名

赭墩湖一名蛟龍潭車坊漾其東南為陳湖東為閻闔浦在松江南二十里承獨墅等浦之水入於

淞江

章練塘 源出陳河東流入於三泖北為舟直浦屬長洲縣

龐山湖 在澹臺湖東其下流為黎湖菱湖葉澤湖其東為九里湖又東為急水港南注澱山河又東為杓頭潭清水蕩又東為姚城江

白覲江 在松江東南即中江也其東爲小龍港源
出急水港

笑面湖 西通龐山河東接汾湖

謝宅蕩 蕩南陽港 東通三泖入華亭界北入

三白蕩 受漕龍港通鶯脰湖

爛溪 出平望下流爲穆和溪黃家涇

白蕩 蕩西爲柘城湖在吳江縣界

蠡澤 湖北爲麻漾其入爲後練塘雷墩蕩骨池潭鶯

脰河西爲沈張湖九曲港

趙屯浦 在長洲界松江之南岸納澱山湖水泄入

松江一支東南流入大漕港在澱山湖北新河之

南承趙浦水流入新洋涇曰西趙屯亦名李墟港

甫里浦 在長洲縣東四十里與大虞浦接

柘澤塘 在崑山界承大漕港東橫瀝泄於新港入

黃浦

大盈浦 在松江府城北七十二里接澱山湖歷唐

行倉經青龍港白鶴匯入於松江

莊家渡 在嘉定南

東吳水經卷之二
五十四
二百五十四
卞家渡 在莊家渡北崑山界

渡頭浦 在嘉定界大盈北

馮浦 在大盈浦渡頭之中南接黃浦與嘉定上海
分界

崧子浦 舊名嵩塘自顧匯浦分流下注舊江口爲

高家浜入于淞江

舊江 在嘉定西南地名老鴉窠今沒

高家浜 在舊江北五十里

蟠龍浦 在崧子浦東其上流曰蟠龍塘起松江府

城東十里爲華陽橋北流於泖涇絕橫塘過蒲匯
塘入於松江長八十里界崑山華亭之間

黃渡浦 在嘉定縣界西南三十里枕松江北岸

顧會浦 在松江城東北七十里大盈浦東其上流
承通波塘祥澤塘五里塘絕橫泖北通上海界又
北通新塘西合青龍東合芑祁浦入於松江

青龍江 在嘉定縣南三十里孫權嘗于此造青龍
戰船故名西接大盈浦東連顧會浦下流入趙屯
浦

白鶴滙 即白鶴之滙也在嘉定縣西三十五里南接青龍江北入松江

石浦 在崑山縣東南四十二里舊引東江之水北入於松江

夏界浦 在嘉定界接淞江之水流入劉家河自吳江長橋至是凡一百二十里永樂間尚書夏公開徐公渡 在崑山界西至夏界凡百三十里大通浦 在嘉定東自舊江至是七十四里

滬瀆江 在松江入海處晉陸龜蒙嘗叙矢魚之具于此故名蓋列竹于海溼曰滬晉隆安間吳國內史吳崧嘗築壘以拒孫恩宋元嘉中刺史王濬嘗浚之

松江歷代濬治考

史記正義曰一江西南上七十里至太湖曰松江一名松陵江即古笠澤江也吳地記曰自吳江長橋東北合龐山湖東注者爲松江今按志松江自吳江長橋下東流至尹山北流至甫里東北流至澱山北合趙屯浦又東合大盈浦又東合顧會浦又東合崧子

浦凡五大浦至宋家橋與黃浦合流入海將入海處別名滬瀆宋寶元中葉清臣疏滬瀆入海元大德八年任仁發疏上海縣界吳淞舊江東抵嘉定石橋洪長三十八里迤邐入海泰定元年又浚吳淞舊江二道烏泥涇大盈浦二河合抵至正元年撩漉吳淞江沙泥浚各閘舊河直通與漕渠張涇及風波南俞北俞塩鐵官紹盤龍六磊石浦等塘明永樂二年夏忠靖公奏黃浦乃通吳淞要道下流壅遏難疏傍有范家浜至南踰浦可徑達海宜浚令深濶上接大黃浦以入海 天順二年都御史崔公分江爲三段抵浚崑山縣自夏駕口至白鶴江抵四千六十七丈嘉定縣自卞家渡至莊家涇抵五千五百六十七丈上海縣自白鶴江至卞家渡抵四千六十七丈各深一丈一尺面濶十丈四尺底濶四丈出舊江一萬三千七百一丈 正統六年周文襄公忱奏脩吳淞江立表江心盡去壅塞其兩岸漲塗成田者計畝收稅以補崩坍糧額 成化十年畢都御史丘知府開浚面濶一十四丈五尺底濶八丈五尺深一丈二尺自夏界

起至西莊家港嘉定分樁六千三百五十三丈六尺
崑山縣分樁五千三百五十三丈七尺共長一萬一
千七百七丈三尺用夫四萬六千八百三十 隆慶
四年海忠介公瑞巡撫南畿初任即建議開浚借支
軍餉及贖贖導河夫銀共七萬餘兩自黃渡起至宋
家港口共一萬一千五百七十一丈面濶一十五丈
底濶七丈五尺深一丈五尺六寸

東江之派

東江 卽松江之南派俗呼爲上江旁通太湖由急
水港南注爲澱山湖東爲白蟻江南通三泖

三泖接杭睦南下之山源有爛路港引大小石浦復
入於松江自宋築堤阻水沙塗日漲頑民競葦葦
緣湖北岸圍田遏絕湖水使不北流壅水入華亭
界一路由長泖至平湖之廣陳出蘆瀝浦以入海
一路由南張涇出柘湖由小官浦入海元之季也
二途俱沒明永樂二年尚書夏元吉相視開江擬
得吳江東下一百二十里入嘉定界爲夏界浦以
東沙漲難去江之北岸有劉家河直入海乃鑿夏

界浦掣江以入于海江之東南有范家浜通南踰浦入于松江乃鑿范家浜掣黃浦以注江入海又自正統以來築捍海塘之後東南無復泄水處其流比松江較大昔日之東江不及也

澱山湖 在松江府城北七十二里湖名澱山以湖中有小山嶼稱山湖因淤澱而稱山亦因名華亭在南崑山在北旁通太湖由急水港鍾而爲湖周二百里北下趙屯浦東南由爛路港以掣于三泖並湖以北中有一澳曰山門溜周迴數里正當湖

流之衝爲吞吐湖水之地有斜路港直貫湖中別入大小石浦合而爲三道以泄湖水東入于江自宋築吳江塘以阻水上流沙塗日積頑民漸植茭蒿緣北岸圍田遏絕湖水使壅水入華亭界從柘湖祥澤等塘由黃浦以入海向時杭睦之水自西南而東北以入于太湖者今皆併注三泖而赴黃浦矣

中江考

水經云中江在丹陽蕪湖縣東南至會稽陽羨縣入

於海震澤在吳縣南五十里北江在毘陵北界東入
於海韋昭云三江爲吳郡東南松江錢塘江浦陽江
今志以松江婁江東江爲三江而中江湮沒無考疑
在華亭海鹽平湖界中後爲捍海塘堵絕不通耳
統志云中江在溧陽縣西北即禹貢之三江也今名
永陽江下流入宜興縣界

婁江考

史記正義曰一江東北下三百餘里入海曰下江亦
曰婁江吳記曰東北入海爲婁江蘇志云自吳縣鮑
魚口北入運河經郡城之婁門者爲婁江歷崑山太
倉東至天妃宮出海元至元二十四年朱清浚開婁
門至海口 永樂二年夏尚書浚崑山東南下梁浦
掣吳淞江水北達婁門又抵嘉定四顧浦南引吳淞
江水北貫吳塘亦由婁江入海

東江考

史記正義曰一江東南下七十里至白鯢湖入海曰
上江亦曰東江吳地記曰東南入海爲東江蘇志云
自大姚分支過澱湖東至嘉定縣界合上海黃浦由

黃浦經嘉定縣江灣青浦東北流亦名松江者爲東江按大姚在長洲縣二十六七都酈道元水經註漢書地理志曰素于故越地武原鄉置海鹽縣後沒爲柘湖徙治武原又淪爲當湖南有秦望山谷水于縣出爲澉浦以通注海疑此卽東江也後因築捍海塘遂湮沒無考吳記曰一江東南行七十里入小湖爲次溪自湖東南出爲谷水谷水經由拳縣故城下又東南經嘉興縣城西又東南經鹽官縣卽海鹽縣故城後沒爲柘湖縣南有秦望山谷水于縣出爲澉浦以通巨海此說與水經稍同但未審此果東江否也水經云又東至餘姚縣東入於海注云餘暨之南餘姚西北浙江與浦陽江同會歸海山海經云浮玉之山北望具區茗水出於其中北流至具區浮餘五里便是句餘縣之東山乃應入海據此則太湖水從浙湖出海似亦有據因書脩考宋元嘉二十二年楊州刺史王濬欲開武康苧溪洩湖水以入海不果據此則太湖水出錢塘似亦與水經相合據松志上海縣黃浦支河曰閘港閘港之東曰新塲新塲舊有海口

論者或指此爲東江

三江口考

由湖入海之道最大者曰三江卽松江婁江東江也其分水處曰三江口史記正義曰三江在蘇州東南三十里吳地記曰松江東北行七十里得三江口與正義不同一江西南上七十里至太湖曰松江卽古笠澤一江東南下七十里至白蠟湖入海曰上江亦曰東江一江東北下三百餘里入海曰下江亦曰婁江

溧陽五堰考

五堰之築在宜興以西屬溧陽縣古人欲分殺水勢使西南諸水不入荆溪由分水銀林等堰入伍子胥伐楚運河以入大江自五堰廢後宜歛池陽九江諸水不入蕪湖及皆東注震澤故今之談水利者以脩復五堰爲首務 按一統志溧水縣東南一百五十里有餘家堰東通太湖西入長江乃吳闔閭伐楚時開此運糧疑卽前所稱運河也

土岡堰閘考

按蘇州府太倉常熟之東北境有上岡身下岡身歸吳岡身在新安鄉曰青岡在惠安鄉曰王家岡松江府華亭縣之東南境有竹岡紫岡沙岡皆土隴高起橫亘百里殆若天所以限截湖海二水使不相通耳後因導江導海利于洩瀉而穿渠橫截岡身矣在劉河以北者高田苦於無水遂置閘門以堰水如今之錢閘門張閘門沙堰門吳閘門顧廟閘百閘李閘門及斗門之類皆是而近多耙壞不脩旱乾水溢之患惡能免哉

毛節論閘堰有曰崑山之東地名太倉俗號堰身堰身之東有一塘焉西徹松江北過常熟謂之橫瀝又有小塘或二里或三里貫橫瀝而東西流者多謂之門若所謂錢堰門張堰門沙堰門吳堰顧廟堰丁堰李堰門及斗門之類是也夫南北其塘則謂之橫瀝東西其塘則謂之堰門堰門斗門者是古者堰水於堰身之東灌溉高田而又爲堰者恐水之或壅則決之而橫瀝所以分其流也故堰身之東其田尚有丘畝經界溝洫之跡在焉是皆古之良田因堰門圯壞

不能蓄水而爲旱田耳堰門之壞豈非五代之季民各從其行舟之便而廢之耶此治高田之遺跡也若夫水田之遺跡即今崑山之南所謂夏界小虞等浦者皆決水於松江之道也其浦之舊跡濶者二十餘丈狹者十餘丈又有橫塘以貫其中而碁布之是古者既爲縱浦以通於江又爲橫瀝以分其勢使水行於外田成於內有圩田之象焉故水雖大而不能爲田之害必歸于江海而後已以是推之則一州之田可知矣故蘇州五門舊皆有堰今俗呼城下爲堰下而齊門猶有舊堰之稱是則防隄既完則水無所瀦容而又設堰者恐其暴漲流入於城也至和二年前知蘇州呂侍郎開崑山塘而得古閘於夷亭之側是古者水不亂行之明驗也及夫隄防既壞水亂行於田間而有所瀦容故蘇州得以廢其堰而夷亭亦無所用其閘也爲民者因利其浦之濶攘其旁以爲田又利其行舟安舟之便決其隄以爲涇今崑山諸浦之間有半里或一里二里而爲小涇命之爲某家涇某家渙者皆破古隄而爲之也浦日以壞故水道湮

而流遲涇日以多故田隄壞而不固日隳月壞遂蕩然而爲陂湖矣此古人之跡也今秀州濱海之地皆有堰以蓄水而海鹽一縣有堰近百餘所湖州皆築隄於水中以固田而西塘之岸至有高一丈有餘者此其遺法獨蘇松圯壞殆盡卒莫有能講求脩復惜哉

又壩閘論曰沿江近海通潮江浦漢唐以來悉設官置閘潮來則閉閘以澄江潮退則啓閘以泄水故江無淤澱之患潮無泛濫之憂自蘇范邳氏諸公咸言置之則有利廢之則有害惟元至順間常有廢閘之論至我

朝水利廢棄不講江浦屢開旋塞水旱相仍亦不以爲意間有議復古制節民財者則曰不便大率以爲澤國賴舟航以往來高鄉賴潮水而灌溉此其所以爲不便也殊不知古人經營設法將以利民豈欲病民而故爲此大不便之事哉今欲置之必須兼古制通時宜每河濶三丈者置閘一座六丈者置閘二座多寡以是爲差每閘各置亭一所歲撥閘夫二名和

雇近閘居民世掌其事有失則罪之每九月至二月
常川扃閉朔望則啓中閘以通海船傍開月河低堰
以通小舟之行小港者或湖水溢下則潮退而悉啓
之其三月至八月高田用水則啓閘以進潮或雨澤
滿盈足以灌溉則亦閉之以清江流庶舟無往來之
阻田無苦旱之災江無淤塞之患高鄉歲免䟽浚而
低田亦減三年二水之憂矣今高鄉支河在在湮塞
早年則從外塘搬水以救苗民實勞止雖曰農官不
省視而塘長不得人亦由古制墾門法廢農民不勝

歲歲開挑之勞故至於此蓋古者高田則設斗門即

水竇

是也旱則閉以蓄水潦則啓以洩水今太倉河名多

也

五代之季民利行舟之便而決之故高田多不可

治今乞查支河通舟者責令得利大戶共造水閘支

小浦約費其不通舟者量置水竇俗名水漚約報河

口居民一兩家專司啓閉免其一二十畝丁田役銀

以酬其勞不然止令塘長九月朔填壩三月朔開壩

吳俗低鄉清明浸種高鄉谷雨浸種至三月亦可以

免半年渾潮之積而民力庶乎其少減矣


東吳水利考卷之三

明進士王 圻元翰父纂

後學俞汝楫仲濟父

男王思義孫王昌會校


蘇州府水利總圖



臺灣國家圖書館, NATIONAL CENTRAL LIBRARY, TAIWAN, R.O.C.

府城市河

南至城外運河




東至東

葑門



西至西

東至婁門城



婁門

門運河

